



Broj: 01/2-04-1685-2/2026
Breza, 03.07.2026. godine

Na osnovu člana 69. stav (2) tačka a) i člana 70. st. (1),(4) i (6) člana Zakona o javnim nabavkama („Službeni glasnik BiH“, broj: 39/14, 59/22 i 50/24) i člana 39. Statuta Općine Breza („Službeni glasnik Općine Breza“ broj: 7/21), na Preporuku Komisije za javnu nabavku (broj: 02/1-2-11-1686-7/2026 od 02.07.2026. godine) u postupku javne nabavke radova: „Stambeno zbrinjavanje Roma u Općini Breza kroz opremanje dvije potkrovnne stambene jedinice u postojećem objektu kolektivnog stanovanja za romsku populaciju“, Općinski načelnik, d o n o s i

ODLUKU

O PONIŠTENJU POSTUPKA JAVNE NABAVKE RADOVA

„Stambeno zbrinjavanje Roma u Općini Breza kroz opremanje dvije potkrovnne stambene jedinice u postojećem objektu kolektivnog stanovanja za romsku populaciju“

Član 1.

Poništava se postupak javne nabavke radova: „Stambeno zbrinjavanje Roma u Općini Breza kroz opremanje dvije potkrovnne stambene jedinice u postojećem objektu kolektivnog stanovanja za romsku populaciju“, iz razloga što nije dostavljena nijedna ponuda u određenom krajnjem roku – član 69. stav (2) tačka a) Zakona o javnim nabavkama („Službeni glasnik BiH“, broj: 39/14, 59/22 i 50/24).

Član 2.

Za izvršenje ove Odluke zadužuje se i ovlašćuje Služba za privredu.

Član 3.

Ova Odluka objavit će se na web-stranici Općine Breza, www.breza.gov.ba, u skladu sa članom 70. stav (6) Zakona o javnim nabavkama.

Član 4.

Postupak poništavanja nabavke provešće se u skladu sa odredbama Zakona o javnim nabavkama („Službeni glasnik BiH“, broj: 39/14, 59/22 i 50/24).

Obrazloženje

Postupak javne nabavke pokrenut je Zahtjevom za pokretanje postupka javne nabavke broj: 02/1-2-11-1037/2026i Odlukom o pokretanju postupka javne nabavke broj: 01/2-04-1685/2026 od 10.06.2026. godine.

Javna nabavka je provedena putem otvorenog postupka za dostavu ponuda.
Procijenjena vrijednost javne nabavke radova: „Stambeno zbrinjavanje Roma u Općini Breza kroz opremanje dvije potkrovnne stambene jedinice u postojećem objektu kolektivnog stanovanja za romsku populaciju“, bez PDV-a iznosi 114.595,00 KM.

Nije predviđeno zaključivanje okvirnog sporazuma.

Obavještenje o nabavci broj: 726-1-3-26-3-32/26 objavljeno je na Portalu javnih nabavki dana 10.06.2026. godine, a dana 12.06.2026. godine u „Službenom glasniku BiH“, broj: 40/26.

Na osnovu obavještenja na Portalu javnih nabavki, tendersku dokumentaciju sa portala e-nabavke je preuzelo 12 (dvanaest) ponuđača.

Izvještaj o preuzimanju Tenderske dokumentacije od strane ponuđača je u prilogu Zapisnika o poništenju javne nabavke radova.

Komisija za javnu nabavku imenovana je Rješenjem (broj: 01/2-04-1685-1/2026 od 29.06.2026. godine).

Komisija za javnu nabavku dostavila je dana 02.07.2026. godine, Zapisnik o poništenju postupka javne nabavke radova broj:02/1-2-11-1686-6/2026 i Preporuku za poništenje postupka javne nabavke, broj: 02/1-2-11-1686-7/2026.

U postupku po Zapisniku je utvrđeno da je Komisija za javnu nabavku blagovremeno i pravilno organizovala otvaranje ponuda, o čemu je sačinila odgovarajuće zapisnike, u kojima je utvrđeno da nije dostavljena nijedna ponuda u određenom krajnjem roku.

U postupku ocjene provedenog postupka, Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

U postupku je utvrđeno da je Komisija u svemu pravilno postupila te da je Preporuka o poništenju postupka nabavke data u skladu sa Zakonom, podzakonskim i internim aktima i tenderskom dokumentacijom.

Naime, u postupku predmetne nabavke nesumnjivo je utvrđeno da nije dostavljena nijedna ponuda u određenom krajnjem roku, čime su se stekli zakonski uslovi za poništenje postupka javne nabavke.

Iz navedenih razloga, primjenom člana 69. stav (2) tačka a) Zakona o javnim nabavkama („Službeni glasnik BiH“, broj: 39/14, 59/22 i 50/24), odlučeno je kao u članu 1. ove Odluke.

POUKA O PRAVNOM LIJEKU

Protiv ove Odluke može se izjaviti žalba u roku od 10 (deset) dana od dana prijema ove Odluke. Žalba se podnosi u dovoljnom broju primjeraka u pisanoj formi Uredu za razmatranje žalbi, a putem Ugovornog/prvostepenog organa.

Predlagač: Služba za privredu, Haris Nefić

Obrađivač: Jasmina Došlić

DOSTAVLJENO:

1x Služba za privredu

1x web stranica Općine Breza

1x Evidencija

1x a/a

OPĆINSKI NAČELNIK

Vedad Jusić